

駁案新編

卷二

駁案新編卷五

目錄

戶律倉庫

監守自盜駁依那移

戶律課程

鹽梟誘毆巡役致死未獲鹽觔

戶律錢債

民人盤剝土司審斷咆哮

禮律儀制

非盡羞忿自縊仍准旌表

擅用赦字世表字樣擬徒

兵律軍政

不依期進兵策應因而失誤軍機

嘯錄新編卷五

戶律倉庫

山西司 一起爲特參虧那等事會看得托克托城協理通判槐唐阿虧那倉穀一案先據山西巡撫鄂
爾疏稱原參槐唐阿虧空各項倉穀共一萬三千五百三十石零緣該協有安仁興義遵道三里中下地
二千三百餘頃自乾隆二年招民認種連歲歉收承種各戶多非土著無力完糧遂各棄地潛逃移籍查
追十無一完槐唐阿於十九年十二月到任接徵十四年起至十九年止民欠草折銀共一千五百一十
一兩零米二千六百六十石零又二十年起至二十二年止民欠草折銀共一千五十八兩零又二十年
民欠米八百九十石零嗣因綏遠城同知差催緊急槐唐阿卽於二十一兩年先後那動倉貯備借穀
四千二百八十三石零糶銀二千五百七十兩零作爲十四年起至二十二年止民欠草折銀兩墊解完
項又先後那動倉貯備借穀五千九百一十八石零碾米三千五百五十石零作爲十四年起至二十年
止民欠米石墊解完項又因托協里民有二十二等年借領倉穀一千三百二十九石徵比無完
槐唐阿恐干參處又將倉貯備借穀一千三百二十九石那動抵補均於各該年地丁倉糧奏銷冊內捏
報全完又槐唐阿自十九年冬間到任後接收前協格圖肯移交倉穀九萬六百八十石零續於二十年自

正月起至八月止新收穀三萬四千三百九十一石零共穀一十二萬五千石俱用舊存小斛量收嗣因歸化城奉文辦運軍需米石軍營較量每石少米一升六合經前撫臣恆文將舊斛解部較驗每石實小一升六合當將小斛銷燬另製大斛發用以致舊收穀石共虧折穀二千石槐唐阿復將倉貯備借穀那動二千石以補虧折之項以上共那動穀一萬三千五百三十石零嗣經臣於乾隆二十四年十一月內題明將該協倉貯備借穀二萬石撥運保德河曲二州縣賑濟被災貧民於二十五年三月內催令該協運交槐唐阿無項可運遂將舊存倉貯穀那動二千五百一十石零同二十四五兩年收回二十三年分借給土默特官兵人等穀五千七百八十二石零二十四年收回二十三年分借綸營岱和林格爾各協里民穀一千二百三十四石零二十五年奉撥保德州未交賑濟折米穀二千八百石二十五年詳准借給托協里民粘種未領穀一千二百三十石零以上共穀一萬三千五百三十石零抵作原那備借倉穀運交保德河曲二州縣查收賑濟在案經臣研鞠該參員堅供實係因各年民欠銀米及借領倉穀不能完納私那備借穀石糴銀碾米分年墊解捏報全完並那補斛面虧折穀石復將舊存倉貯前項五款穀石抵作備借穀數運赴保河等處賑濟屬實供認不諱隨查該協歷年地丁倉糧各項奏銷冊卷所開完欠銀糧各細數均與所供相符其所供銷燬舊存小斛另製大斛發用之處亦有咨部案據可稽並據委員

盜武府知府薄岱查明該參員那勳倉穀實係墊完民欠並無假捏便流入己情弊嚴加究辦委無遁情
查例載凡審那移之案於定案日查明參後完過若干准予開除以現在未完之數定擬又例載州縣衛
所虧空錢糧如果民欠未完捏報全完其捏報官員應照虛出通關硃鈔律計所虛出之數併贓皆以監
守自盜論又例載監守自盜倉庫錢糧在一千兩以上者擬斬監候又例載州縣虧空倉穀以穀一石照
銀五錢定罪又例載那移虧空五千兩以下者仍照律擬雜犯流總徒四年各等語此案槐唐阿虧空倉
穀內除那補斛面穀二千石應照那移律擬雜犯流總徒四年輕罪不議外其那勳倉穀代補民欠捏報
全完應照虛出通關律併贓以監守自盜論除於參後已據實補穀八千四百二十四石外尙未完穀三
千一百六石零照例每穀一石作銀五錢共作銀一千五百五十三兩零將槐唐阿依例擬斬監候倉書
楊國臣擬杖等因具題查倉庫錢糧關係國帑遇有虧缺俱應徹底嚴究查明是否侵欺抑係那移民
欠各照本律核實治罪此案槐唐阿虧空倉貯穀石除現在實補還倉穀八千四百二十四石外尙有未
完穀價銀一千五百餘兩雖據該撫審明實係民欠未完私那備借穀石分年墊解捏報全完並無侵盜
入己情弊但細核案情該員於乾隆十九年到任其十四五六七八等年未完民欠俱係接徵前任未完
之項原可據實揭報何故與本任經徵未完民欠一併捏作全完後復輾轉那移彌縫掩飾其中不無侵

漁入己情弊自應追請明確務使案無疑竇照例定擬庶成信讞況例載州縣錢糧如果民欠未完捏報全完照虛出通關硃鈔律以監守自盜論係指實欠在民而言與侵盜入己者有別故例內又有情願一年限內代民全完者准其復還原職等語可知侵盜錢糧入己者不得牽引此例明矣今槐唐阿虧空倉貯穀石如果侵漁屬實自應照侵盜本例問擬斬候不必復援民欠未完捏報全完之例若果積欠在民該員並未侵盜入己則那移倉貯捏報全完俱有本條應得罪名亦不便以民欠作爲官侵轉致情罪未協應令該撫徹底根究將各戶所欠錢糧分年按數逐細詳查是否的係民欠或係該員侵漁入己并現在欠戶出具認還甘結有無抑勒承認之處秉公推鞠取具確實供詞按例妥擬具題到日再議等因題駁去後續據該撫疏稱覆訊槐唐阿供稱乾隆十四五六七八等年民欠未完銀米穀石實因節年奏銷案內已經開參議處是以不復揭報後因催提兵餉緊迫恐罹參處遂將倉穀先後那動糶賣碾米分別墊解並將前任民欠同本任經徵未完民欠俱各捏報全完正在設法賠補卽被參究委無侵漁入己情弊查乾隆十四年至二十二年各戶未完銀米以及二十並二十一等年民借未完倉糧前委監武府知府薄岱赴托克托城另查實徵紅簿委係實欠在民并據接任通判福慶具有認徵印結現在托克托城居住之欠戶具有認欠愿完結狀在案今又行據現任通判富勒琿分年按數逐細詳查俱係實欠在

民據訊各該欠戶僉稱並無勒認情弊且現據各欠戶陸續交納已完穀二千餘石其非侵盜捏作民欠亦無勒認別情實屬確鑿無疑查此案槐唐阿原虧倉穀一萬三千五百三十石零除該參員先自買還穀八千四百餘石今又買交那補斛面穀二千石共完穀一萬四百二十四石又據各欠戶現在陸續完交穀二千一百一十六石八升零僅未完穀九百九十石零以每穀一石折銀五錢計算共銀四百九十五兩零將槐唐阿依那移例總徒四年未完穀石勒限一年果能全完另行照例辦理等因具題前來查例載那移庫銀五千兩以下者仍照律擬雜犯流總徒四年等語今槐唐阿虧空倉穀據該撫疏稱實係積欠在民並無侵漁入己情弊且已陸續完穀一萬四百二十餘石又據各欠戶完交穀二千一百一十六石現在未完穀價銀四百九十五兩零正與那移庫銀數在五兩以下之例相符應如該撫所題槐唐阿合依那移庫銀五千兩以下例擬雜犯流總徒四年係旗人解部枷責發落其未完穀價銀兩已據該撫將伊任所資財封貯造報其在京家產亦經咨旗查辦應令該撫速飭變抵還項該撫既稱該管倉書楊國臣不行稟阻應照不應重律杖八十折責三十板革役等語應如該撫所題完結等因乾隆二十六年十月初三日題初五日奉旨依議明山趙孫英明德俱著於現任內罰俸一年來泰能銷去紀錄二次免其罰俸欽此

戶律課程

山東司 一起爲報明事會看得鹽犯劉蘭生等謀毆巡役叢良玉致傷身死一案先據山東巡撫準泰疏稱乾隆十二年七月十三日劉天欽用小錢四千五百文買鹽三百九十觔分裝七袋於十四日晚令其子劉蘭生伊弟劉四與周小丑張英張六劉樸如魏發祥扛至東阿縣地方貨賣惟周小丑係用價雇覓張英等均坐本分利至柳木坡地方撞遇巡役蕭四海孔興桂叢良玉該役等因眾寡不敵不敢擒捕邀約民壯畢作福巡役孔興義李崑董三於十五日夜仍往該處巡查劉蘭生等將鹽扛至東阿集上零星賣給不知姓名人共得小錢五千三百文劉天欽當給周小丑錢三十文又分給張六利錢四十文張英等不欲分錢令將餘利沽酒共食並將途遇巡役情由告知劉天欽設計謀毆約同邢二丁其美並賣鹽原夥張英劉四劉樸如魏發祥周小丑及劉蘭生等於十五日夜劉天欽令丁其美劉四賈麥二袋偕邢二先往誘捕劉蘭生等尾隨劉天欽丁其美徒手餘各分執棍桿鐵尺等械於雞鳴時行至柳木坡橋上巡役蕭四海等遇而盤問邢二誑稱是鹽蕭四海等上前擒捕張英等卽一齊混毆張英用桿毆傷孔興桂左膝劉四用棍槌毆傷孔興桂左腮頰左腿併用小刀割傷蕭四海偏右劉蘭生用鐵尺毆傷孔興桂合脰膊右手腕又毆傷蕭四海右額角劉樸如魏發祥各用水桿毆傷蕭四海左脰膊左脇左右臙肋

戴良玉被周小丑棍傷左膝倒地劉蘭生乘勢趕上用鐵尺毆傷右脰膊右臑肋骨折至八月初六日殞命訊認不諱將劉蘭生照同謀共毆人致死下手傷重律擬絞監候劉天欽等擬以流徒杖責分別減免等因具題經臣部等衙門查鹽梟拒捕殺人律應駢首若假以緝捕爲由黑夜截劫以致格鬪殺死律得勿論二罪懸殊必證據確鑿方成信讞此案劉蘭生等如果聚眾販鹽復行設計拒捕殺人確有證據自應分別首從按律定擬若所稱販鹽並無確據當夜蕭四海等所截是麥非鹽其賣麥之刑二丁其美亦非曾經販鹽之犯則截麥格鬪致斃律例自有正條今承審各官並不推求證據既將販鹽聲敘又引共毆律擬事在兩歧碍難定斷且查蕭四海等到案供稱劉蘭生等姓名歷歷可指應係素識如果撞獲販鹽卽恐眾寡不敵何難尾隨跟緝或當場指名喝破稟官拘究乃於次夜邀約畢作福等往捕而畢作福等又稱落後並不在場情屬難信至稱劉蘭生等先夜販鹽既經撞遇巡役聽其負販無讐可挾何故設計邀眾自投法網再據稱劉天欽用小錢四千五百文買鹽三百九十觔七人販賣得小錢五千三百文計算每人獲利小錢一百餘文而該縣審問丁其美供稱劉天欽令其負麥誘捕作證許給錢十千文等語本圖微利並無讐恨而肯捨錢十千文行賄亦非情理種種疑竇難成信讞應令該撫另行詳審確據不得避重而開脫私梟亦不得牽合而庇護巡役按照律例妥擬具題到日再議等因題駁去後續據該

撫疏稱親加研訊巡役孔興桂等供稱乾隆十二年七月十五日撞遇劉蘭生等七人扛鹽往賣伊等人少不能追捕是以放過質之劉蘭生等僉供賣鹽屬實等語是劉蘭生等販私之處已據自行供認叢良玉等身爲巡役緝私是其專責且因劉天欽等裝麥誘毆倉猝之際急不暇辨誤行擒拏被毆致斃並無假以緝捕爲由黑夜截麥情事訊據各供均屬相符則殺人者抵似難竟置勿論惟是私鹽案件止理現獲人鹽其獲鹽不獲人獲人不獲鹽者概不追坐今劉蘭生等先日販私人鹽均未獲次日誘捕所裝是麥非鹽既未便以當場並無鹽觔之犯而卽擬以鹽梟拒捕殺人之條更不便以次日設計誘毆之人而連坐其先日販私未獲之罪前將劉蘭生等照同謀共毆定擬似與例意相符劉蘭生應照前擬絞候劉天欽起意謀毆亦應照前擬原謀流罪再查劉蘭生等均不照私梟定擬則張英等亦不應照販私科斷張英邢二丁其美周小丑均應改照餘人律杖一百張六並未同行謀毆應照律免其追坐劉四用小刀割傷蕭四海脚跟應依刃傷人律擬徒流徒杖罪分別減免至駁蕭四海等到案供稱劉蘭生等姓名歷歷可指應係素識如果撞獲販鹽卽恐衆寡不敵何難尾隨跟緝或當場指名喝破梟官拘究乃於次夜往邀畢作福等往捕而畢作福等又稱落後並不在場情屬難信訊據孔興桂等供稱是日撞遇劉蘭生等販私伊人少不敢擒拏又係東阿縣境未便越界跟緝以致當場任其縱颺不能稟究卽歸告店主亦

以人鹽未獲未便報官故轉約民壯畢作福巡役孔興義等同往緝捕冀獲人鹽稟報乃畢作福遲遲其行以致落後及至柳木坡橋下撞遇孔興桂等業已打架將畢又見棍棒橫擊不敢近前遂各奔散情似可信至駁劉蘭生等此夜販鹽既經撞遇巡役聽其負販無讐可挾何至設計邀眾自投法網訊據劉蘭生等供稱是日扛鹽出賣路遇巡役蕭四海等雖未拘拏惟因熟視良久業已認明歸告伊父劉天欽恐其先行報官往捕故起意扛麥誘毆以圖到官脫卸兼可治巡役誣拏之罪等語在劉天欽自誇奇謀而不知已投法網弄巧成拙亦屬恆情至駁劉天欽用小錢四千五百文買鹽三百九十觔七人販賣得小錢五千三百文計算每人獲利小錢一百餘文而丁其美供稱劉天欽令其負麥誘捕作證許給錢十千等語本圖微利並無讐恨而肯捨錢十千行賄亦非情理訊據丁其美等供稱劉天欽因以毆傷巡役三人心懷畏懼故囑伊扛麥鳴冤許錢十千文冀證巡役誣拏得以卸罪初不暇計及錢文之多寡亦無心較算獲利之甚微據供似屬近情餘照前招等因具題前來應如該撫所題劉蘭生合依同謀共毆人因而致死以下手傷重者坐罪律擬絞監候秋後處決劉天欽合依原謀律杖一百流三千里該撫疏稱張英邢二丁其美周小丑均改照餘人律杖一百張六並未同行謀毆照律免其追坐劉四用小刀割傷蕭四海腳跟依刃傷人律杖八十徒二年劉天欽等事發到官均在

恩詔以前應將劉天欽流罪減

民人盤弱
土司審斷
咆哮
嗣後內地
民人概不
許與土司
等交往借
債通行

爲杖一百徒三年劉四徒罪減爲杖一百張英等杖罪均行援免等語查丁其美一犯雖係在場並未助毆傷人今該撫將丁其美照餘人律杖一百亦未允協應將丁其美改照不應重律杖八十事在 恩詔以前相應援免餘俱應如該撫所題完結再該撫原疏內稱各犯名下所得賣鹽錢文照追入官庫存麥子二袋變價充公逸犯劉樸如魏發祥等緝獲另結等因乾隆十七年六月十七日題十九日奉 旨劉蘭生依擬應絞著監候秋後處決餘依議欽此

戶律錢債

貴州司 一起爲呈報事據貴州巡撫李本咨稱威寧州已革武舉戴麟瑞藉債圖產不照審斷咆哮公堂一案緣威寧州法衛土目安起鰲於乾隆二十三年兩次借武舉戴麟瑞之父戴千和銀五百兩將田作抵每年每兩還息米一斗五升共納息米七十五石三十二年安起鰲還過本銀九十兩尙欠本銀四百一十兩每年納息米六十一石五斗按年清楚至四十年田被水衝無米還息戴麟瑞牽去水牛一隻作銀二十兩準米六石欠米五十五石五斗四十一二三等年戴麟瑞兩次拉安氏馬牛準算米石並交納息米外欠米二十四石四十四年三月間戴麟瑞因舊欠息米未清欲行犁田安氏又以黃牛一條作銀十五兩并錢十三千文給與戴麟瑞以作舊欠迨是年冬間又復拖欠米六石七斗五升四十五年戴

麟瑞復向催逼安民無可設措欲行賣田償還戴麟瑞希圖準折田土不容變產於二月二十七日率領佃戶翻犁田土安民情急赴州呈控差提審訊核計安民僅欠戴麟瑞本銀四百一十兩前後收過息米一千四百十石照時值銀三千三四兩利過於本數倍斷令安民止還本銀田歸安民管業舊欠息米免其追償詎戴麟瑞倚恃武舉抗斷不遵大肆咆哮將頂帽擲於公案之上出言詬詈當經該州將戴麟瑞戒飭一面詳請咨革飭委會審據供重利盤剝各情不諱將戴麟瑞請照棍徒擾害例改發極邊足四千里折責安置安民所欠戴麟瑞本銀四百一十兩追繳給領其拖欠息米六十四石五斗利過於本免其追繳田產歸安民管業等因前來查邊省土苗犛獠例禁內地民人相與往來交涉誠以民人盤剝土苗往往滋事肇釁漸不可長如本年五月間臣部核覆廣東省黎匪那回等挾民人吳香長等重利盤剝之嫌糾眾搶劫拒傷官兵將那回等分別凌遲斬決吳香長永遠枷號並聲明乾隆三十一年民人在黎地重利盤剝以致定安黎匪王天成曾殺客民曾經奏明飭禁在案是民人凡在土苗地方舉放錢債案件於按法嚴懲之外尤當絕其多取利息之途俾若輩無利可圖而其風自熄此案土目安起釁向武舉戴麟瑞之父戴千和借銀五百兩每年納息米七十五石自二十三年至四十五年統計得過息銀三千三四百兩數倍於本戴麟瑞以拖欠息米希圖田土準折率領佃戶前往犁田滋釁爭控該署州審訊時

戴麟瑞恃符咆哮當堂詈罵該撫將戴麟瑞照棍徒擾害良人例懲治洵爲罪所應得應如該撫所咨開發極邊足四千里至該撫將安氏尾欠戴麟瑞息米免其追繳而復斷還其本銀四百一十兩追繳給領殊有未協查律載舉放錢債年月雖多不得過一本一利今戴麟瑞以本銀五百兩借給安起鰲嗣於乾隆三十二年還過本銀九十兩僅欠本銀四百一十兩戴麟瑞前後共得息銀三千三四百兩核其每年所得息米七十五石約計值銀一百四十餘兩雖在三分禁限之內尙非重利盤剝但歷年久遠業經數倍於本若聽其將得過利息三千三四百兩盡飽囊橐而復向安氏追本給領則不惟放債者仍得遂其無厭之求亦無以示撫卹土司之道臣等公同酌議不但安氏負欠戴麟瑞之本銀四百一十兩毋庸追給卽戴麟瑞從前所得利銀三千三四百兩內准其扣留八百二十兩以符一本一利外其餘銀二千五百兩仍於戴麟瑞名下盡數追出入官方足以儆民人盤剝土苗之漸並請嗣後內地民人概不許與土司等交往借債如有犯將放債之民人照偷越番境例加等問擬其借債之土苗卽與同罪並通行雲南四川廣東廣西凡有土苗等省一體體諭遵行等因乾隆四十六年十二月初十日奏本日奉 旨依議欽此

河南司 一起爲報明事會看得光州民宋福毆傷張永德身死並黃氏給死一案據河撫阿思哈疏

稱緣宋福本係黃姓因父贅宋家卽從宋姓伊胞妹黃氏係黃朝忠童養之婦乾隆三十二年閏七月二十六日黃氏在張永德田埂牧牛張永德四顧無人輒起淫念將黃氏按倒強欲行姦黃氏喊叫不從張永德用衣塞口黃氏力掙張永德將黃氏衫褲撕破適王曾在田崗下割稻聞喊吆喝張永德方始放手未得成姦卽向王會叩頭而逸黃氏歸訴伊始申氏又赴母家告知其兄宋福宋福忿不可遏欲尋張永德毆打卽攜鐵尺前往而黃氏夫兄黃朝俊亦帶木棍而去同入張永德家將張永德拉至莊外黃朝俊以木棍毆傷張永德左臙肋左右臂膊宋福以鐵尺扎傷張永德左脇膊左腓腓並打傷右臙肋左脚面左手背左右脊背左脚蹠等處因傷殞命黃氏於張永德拉姦毀衣之後羞忿自縊被申氏見救索屍至九月十一日聞知伊兄宋福在獄且將抵償張永德之命墮淚傷心至夜仍行自縊殞命報州驗詳訊認不諱查宋福鐵尺扎傷張永德脊背二處係致命重傷應以下手傷重之宋福坐罪但查宋福係該民親兄雖經隨父出贅改姓實屬誼切同胞黃氏忽被兇棍張永德於白日按倒田內強欲行姦幸遇王會聞喊喝逐而止黃氏氣忿莫釋奔訴伊兄宋福商同黃朝俊往毆洩忿以鐵尺打傷張永德脊背等處殞命本爲義忿所激若將宋福照罪人不袒捕而擅殺擬抵是兄妹二命償淫棍一命揆其情罪似未平允將

宋福照律量減一等擬流黃朝傑擬杖等因具 題前來宋福應照人不得捕而擅殺以關殺論律量

減一等杖一百流三千里至配所折責四十板黃朝傑合依餘人律杖一百折責四十板等語均應如該

撫所題完結再該撫疏稱龔氏係兼爲手足情傷非盡羞忿所致求便濫請 旌獎相應聲明等語查

定例婦女強姦不從以致身死者 旌表其因人調戲本婦羞忿自盡者亦照例准其 旌表今龔

氏係張永德欲行強姦喊叫不從求及成姦龔氏羞忿投繯因伊姑解救未死是龔氏先有決死之心旋

聞伊兄宋福毆死張永德繫獄忿激自縊卒成其志洵屬節烈應准 旌表等因乾隆三十三年六月

初九日題十一日奉 旨依議欽此

江蘇司 一起爲奏 聞事乾隆四十三年十月二十五日內閣奉 上諭據楊魁奏嶺南縣民辜

召稟首伊姪韋玉振爲父刊刻行述內有於佃戶之貧者赦不加息並赦屢年積欠之語殊屬狂悖而行

述內敘其祖嘗有松西堂稿因委員赴其家查無別項違悖訊明松西堂稿亦已無存惟家譜內云山東

日照縣人丁椒圃有傳已飛咨國泰密飭查覆一面帶犯至蘇確審又據寶山縣職員范起鳳呈控堂弟

范起鶴串竊書籍因有應繳遺稿藥書被其挾制等情必因爲人查出假稱被失並據該州解到書籍查

有現在查繳之藥書亭林集等數種卽委員赴其家嚴查有無狂悖著作及別項應繳藥書提齊人證